


Accion pa recauda fondo pa Kerki 1846 a cuminsa



ORANJESTAD (AAN): E siman aki a cuminsa e accion pa recauda fondo pa e Kerki di 1846 cual ta e Kerki chikito situa patras di e Kerki actual cu nos conoce den Wilhelminastraat. E ta e edificio religioso mas bieu di Aruba, el a ser construi entre 1845 y 1846. Antes e tereno y edificio tabata di famia Arends, el a ser cumpra e tempo ey pa solamente Awg 250,- y despues riba su fundeshi a ser construi e Kerki pa e suma di Awg.2714,- Florin di e tempo ey.

E tabata conoci hopi antes como Kerki di Paardenbaai, pues aki por

tuma nota con cerca lama y costa tabata di Kerki. Den pasado el a ser uza pa Servicionan Religioso, Casamento y pa Obranan Teatral. E ta representa historia di e Protestantnan pero tambe e ta representa un parti di nos historia Cultural y di Arkitektura.

E numbertan di telefoon pa yama ta **Tel: 5821535 – 5602407** for di 9 or di mainta te cu 4 or di atardi non stop. E idea ta pa renoba e edificio den su estado original manera e tabata. Sra. Web- Kock a informa cu e restauracion ta bay ta 3 biaha mas caro cu construccion normal. E ta spera cu henter

nos comunidad sostene e esfuersonan pa logra e fondonan necesario.

Sra. Ivonne Kromhout a informa den e ultimo conferencia di Prensa cu un Fundacion cu a ser lanta pa traha riba e actividadnan di recauda fondo pa rescata e Kerki; como Presidente ta Sr. Ernst Stuttenheim, tesorero Sra. Aimee Henriquez, Sr. Dito Eman ta encarga cu recaudamento di fondo, Sra. Henna Thode y Sra. Ivonne Kromhout ta encarga cu e ehecucion di e actividadnan pa recauda e fondonan.

E fondonan recauda lo wordo uza pa restaura e edificio den su estado original y hendenan di tur Fe lo por uze despues pa

resa of medita. Tur esnan cu haci un donacion lo tin un lugar special den e buki documentario di e Kerki cu lo ser publica despues na momento di su reapertura.

E numbertan di cuenta di banco pa haci donacion por medio di transferencia ta: CMB: 62716903 - Banco di Caribe: 82380801- Aruba Bank: 2544450190 y e numbertan di telefoon un biaha mas ta **Tel: 5821535 – 5602407** for di 9 or di mainta en adelante te cu 4 or di atardi non stop. Tambe por via e mail: **kerki1846@gmail.com** y facebook: **Rescata kerki 1846**.

E Fundacion ta gradici un y tur di antemano pa nan contribucion.